

20

22



ERNEST LLUCH  
Kultur Etxea



Argiartean

2

# ERNEST LLUCH

## Kultur Etxea

Azken urteotako martxari, alegia, koronabirusak eragindako pandemiari, agur esateko garaia iritsi zitzaion 2022an. Baina ez zen berehala izan baizik eta hamaikagarren olatua medio eman baigenion ongietorria urteari, hots, edukierak oraindik mugatuta, musukoak derrigorrezkoak zirelarik eta txertoa jarri izanaren ziurtagiriak eskatuz...urteak aurrera egin hala egoera baretuz joan zen eta azkenik uda partean altxa ziren debekuak eta mugak.

Gauzak horrela, ikastaro eskaintza zabalari jendeak eskuzabal erantzun zion. Literatura, poesia, ipuingintza, politika, gaurkotasuna, ongizatea eta natura. Jendetsuenak **Iñigo Artamendiren Nazioartea gaur** eta **Marko Sierraren Donostia eta Gipuzkoako natura** izan ziren. Gainontzeko ikastaroetan ere matrikulazioak gora egin zuen.

Kultur etxeko programazioa oparoa izan zen eta beti bezala, bereziki aipagarria literaturari eskeinitako tartea: martxoan Donostiako **Poesia Astea** eta azaroan **Literaktum** jaialdia.

Baina hauetaz gain eta literatura ardatz izanik, **Literatura, politika, memoria** izenez ziklo bat osatu zen non hamaika solasaldi eta liburu aurkezpen egin ziren otsaila eta apirila bitartean. Euskadi, Amerika eta Espainiatik etorri ziren idazleak: bertakoak izan ziren **Jule Goikoetxea** eta **Uxue Alberdi**; amerikarrak **Gabriela Wiener**, **Martín Caparrós** eta **Sergio Ramírez**; eta **David Trueba**, **Elizabeth Duval**, **Aroa Moreno** eta **Belén Gopegui** espainiarrak.

Gainera, urtean zehar hainbat elkarrizketa eta solasaldi egin ziren literatura eta kazetaritza uztartuz. New Yorketik etorri zen **Lucy Sante** hango kulturaren ezagutza sakona partekatuzera. Irailean, **Rosa Montero** idazle eta kazetari ospetsua bere ibilbide luzearen ausnarketa eginez edo eta gaurkotasun handiko gai bat jorratzera etorri zen **Ander Izagirre**: Elkanoren herrialdeari itzuli geografiko, historiko eta mental bat emateko helburuarekin **Vuelta al país de Elcano** liburuaren aurkezpena egin zuen.

Ezin ahaztu baita Amara kultur etxean azken urte hauetan garatu diren beste gai batzu, hain zuzen zientziaren arlokoak. Bi dira, lehendik **DIPC (Donostia International Physics Center)**rekin elkarlanean egiten ziren hitzaldiak, **Zientziaren bide berriak** izenpean eta puntapuntako gaiak jorratzen zituztenak. Aurten bi izan ziren: ekainean **Roman Orus**, konputazio kuantikoaren inguruan aritu zena sekulako arrakastarekin; eta udazkenean, **Aitzol Garcia-Etxano**, nanoneuro proiektuari buruz mintzatu zena.

Bigarrenik, **Elhuyarren** eskutik eta **Ana Galagarrak** aurkeztuta, **Emakume zientzialarien argitan** zikloa. Tituluak adierazi bezala, emakume zientzialariak zituzte protagonista euskaraz egindako hitzaldi



Elizabeth Duval

eta solasaldi hauek. Urtean zehar lau ekimen gauzatu ziren eta gaiak askotarikoak: astrofisikari bat, **Itziar Garate**; biologo bat: **Arantza Aldezabal**; soziologoa, **Amaia Bacigalupe**; eta azkenik, **Lourdes Herrasti** arkeologoa, guztietan harrerarik onena izan zuena. **Memoria historikoa eraikiz** titulupean bere ibilbide luze eta emankorra azaldu zuen, bereziki gerra zibileko hobien aurkikuntzak azpimarratuz.



Emakume Zientzialariak, Itziar Garate

Hitzaldi eta solasaldiei jarraiki, pentsamendua eta gaurkotasuna **La democracia en la sociedad digital** solasaldian jorratu zen: **Daniel Innerarity** eta **Miren Gutierrezek** elkarrekin hitz egin zuten demokrazia, datu, algoritmo eta roboten gainean. Urte amaieran, **Olatz Urkia** kazetaria **Kristina Zoritarekin** aritu zen solasean **Mitos y realidades de la China actual** izenburuko topaketan.

Eta azkenik, bi jaialdi arestian aipatutakoak. **Literaktum** jaialdiaren baitan lau hitzordu izan ziren Amaran: lehenengo astean izan zen **Pello Lizarralde** idazlea, birritan Euskara saria eskuratutakoa, bere obrari buruz solasean aritzeko **Beñat Sarasolarekin**. Jarraian, **Virginia Feito** idazle gaztea bere lehenengo eleberririk arrakastatsua aurkeztera etorri zen: **La señora March**. Hurrengo astean izan zen **Hector Abad Facciolince** idazle kolonbiarra, eta besteak beste, **El olvido que seremos** eta **Salvo mi corazón**

**todo está bien** eleberrietaz mintzatu zen **Leire Palacios**ekin. Horrenbesteko jakinmina sortu zuen non hainbat entzulek zutk jarraitu zutela solasaldia. Azkenik, **Pio Baroja**ren obraren inguruan hitzegin zuten aski ezagunak diren **Soledad Puértolas**, **Juan Antonio Villenak** eta **Joaquín Ciáurrizek**, oraingoan ere leporaino betetako areto batean.

**Donostiako Poesia Astea** urtero legez martxoaren bukaeran ospatu zen. Jaialdi literario honen barruan kokatu zen **Sara Morante** ilustratzailearen **Flor Fane** erakusketa (**Sylvia Plath** en poemarioari buruzkoa) eta bisita gidatua. Saforen poemak errezital musikatuarekin eman zitzaion asteari amaiera. **Aizpea Goenaga** eta **Dorleta Urretabizkaia** aktoreen ahotsetan, **Nerea Azkona** harpajolearen musikaz lagunduta eta **Aritz Gorrotxategi** eta **Maite Lopez las Herasen** ausnarketekin borobildutako jarduera.



Pío Baroja solasaldia, Literaktum



Hector Abad Facciolince, Literaktum



Pello Lizarralde, Literaktum



Soledad Puértolas eta Juan Antonio de Villena, Literaktum



Safo, Poesia Astea

Antzerkiari dagokionez, otsailean **Aiko** antzerki japoniarra eta apirilean, **Aurora Ocaso** performancea izan ziren. Ondoren etorri ziren udako auzo jaietakoak, besteak beste: Amara Zaharrea **Trapu Zahar**ren azken ikuskizuna eta Loiolako Erriberatan haurrentzako bertso antzerkia: **Hairaren alpistegia**. Udazkenean ere izan zen antzerkia kultur etxeko areto nagusian: haurrentzako **Grimm anaiak** eta nagusientzat **Don Juan Tenorio** eta **Frankestein agurgarria**. Baita izan ziren magia emanaldiak eta zirku tailerrak, udan zein eguberrian (**Tor Magoa**, **Txoborro magoa**, **Xomorro zirku taldea**).

Poltsiko antzerkiaren egitarauaren barruan lau emanaldi izan ziren: bi Via Foran, **Carmenen zai** eta **De esto también se sale**; Amaraberriko Haritza22n **Luze edo motz** eta Loiolako Erriberetako Aveniun **Sekreturik ez** magia ikuskizuna.

Udazkenean izan genuen Loiolako Erriberatan asteburuko arte erakustaldi handia: **Argiartean**. Teknologia berriak arte mundura eratorrita, musika emanaldiak hiru gauetan eta hainbat

eskultura ikusgai bai elizbarruan baita kanpokaldean ere, guztiak argia ardatz zutelarik. Arrakastatsua publiko eta kritika aldetik, denetariko ikusentzuleak hurbildu ziren arteaz eta musikaz gozatu eta tragu bat hartu edo mokadu bat jatera.




Sekreturik ez, Avenium. Poltsiko Antzerkia



Sastraka Maleza erakusketa

Kultur etxean bestelako erakusketak ere izan ziren. Argazkidunak, **Jesus Mari Cormanenak** *Melancholia* obran; eta **Barojaren** gaineko Postalesen **Pegenauterenak**. **Korner** jaialdiaren futboleko kromoena edo eta margolari/ilustratzaileenak: **Sara Morantes** eta **Jose Ignacio Agorretaren** margolanak, **Imanol Rayoren** argazkien eta **Pello Lizarralderen** testuekin uztartuz.



Melancholia erakusketa

Kultur etxeko liburutegia bere egitaraua sendotuz joan zen 2022garrenean, erabiltzaileen kopuruen gora egin zuen, maileguak areagotu ta bisita gidatuak aurreko urteetan baino maizago egin ziren. Aipagarria benetan Topagunean egindako idazle donostiarren liburu aurkezpen kopurua, hala nola, **Mariano Eiben, Pablo Torres, Lucía Wolff, Josu Torres, Eva Gardner** eta **Luis Irueta**. Bestalde, ezin ahaztu ohiko bestelako programak: **zeu irakurle geu kontalari, ipuinaren ordua, liburu baby kluba** eta **Javier Minaren** eskutik jarraipena izan zuten solasaldi literarioak.

Azkenik, gaztelekua eta haurtxokoa kultur etxearen aurreko lokaletara etorri ziren urriaren 21ean izan zelarik inaugurazio jaia. Geroztik erabiltzaile kopurua handituz joan zen ia bikoiztu arte.

## JARDUERAK

**21**

**Antzerki (emanaldiak)**  
1.594 erabiltzaileak

**27**

**Zine (emanaldiak)**  
799 erabiltzaileak

**127**

**Bilerak eta  
elkarteen ekitaldiak**  
2.453 erabiltzaileak

**99**

**Gaztelekua**  
975 erabiltzaileak

**0**

**Dantza (emanaldiak)**  
0 erabiltzaileak

**30**

**Hitzaldiak eta  
mahai inguruak**  
1.426 erabiltzaileak

**195**

**Liburutegiko  
jarduerak**  
2.225 erabiltzaileak

**90**

**Haurtxokoa**  
1.814 erabiltzaileak

**9**

**Musika (kontzertuak)**  
1.664 erabiltzaileak

**6**

**Erakusketak**  
4.788 erabiltzaileak

**39**

**Plus 55**  
2.057 erabiltzaileak

**0**

**Bestelakoak**  
0 erabiltzaileak

**Guztira**

**643**

**Jarduerak**

**19.795  
erabiltzaileak**

## ZERBITZUAK

**98.767**

bisitaldiak  
**Liburutegia**

**3.507**

bisitaldiak  
**Haurtxokoa**

**0**

bisitaldiak  
**Altzako bilduma web**

**0**

bisitaldiak  
**Bideo tailerra**

**0**

bisitaldiak  
**Ikasgela**

**6.729**

bisitaldiak  
**Kzgunea  
(Nabigazioak)**

**0**

bisitaldiak  
**DK Irratia web**

**0**

bisitaldiak  
**Musikagela**

**3.133**

bisitaldiak  
**Gaztelekua**

**0**

bisitaldiak  
**Altzako bilduma**

**0**

bisitaldiak  
**Ispilu beltza  
magazine-podcast**

**0**

bisitaldiak  
**Musika Eskola**

**Guztira**

**112.921**

**BISITALDIAK**

**785**

bisitaldiak  
**Plus 55**

## PRESTAKUNTZA

Ikastaro eskaintza    Osatutako ikastaroak    Erabiltzaileak    Emakumeak    Gizonak

| <b>GUZTIRA</b>   | <b>301</b> | <b>241</b> | <b>3.668</b> | <b>2.647</b> | <b>919</b> |
|--|------------|------------|--------------|--------------|------------|
| <b>2021-2022 IKASTAROAK</b>                                | <b>82</b>  | <b>50</b>  | <b>1.250</b> | 943          | 307        |
| <b>Ikasturte osokoak (2021eko urria - 2022ko maiatza)</b>  |            |            |              |              |            |
| <b>Egile ikastaroak</b>                                    |            |            |              |              |            |
| Euskaraz   | 0          | 0          | 0            | 0            | 0          |
| Gaztelaniaz  | 7          | 7          | 588          | 434          | 154        |
| <b>Ikastaro orokorrak</b>                                  |            |            |              |              |            |
| Euskaraz   | 26         | 8          | 104          | 91           | 13         |
| Gaztelaniaz  | 26         | 22         | 326          | 257          | 69         |
| <b>Bigarren lau hilabetekoak (2022ko otsailean hasita)</b> |            |            |              |              |            |
| <b>Egile ikastaroak</b>                                    |            |            |              |              |            |
| Euskaraz   | 3          | 2          | 33           | 25           | 8          |
| Gaztelaniaz  | 4          | 3          | 86           | 72           | 14         |
| <b>Ikastaro orokorrak</b>                                  |            |            |              |              |            |
| Euskaraz   | 9          | 1          | 12           | 4            | 8          |
| Gaztelaniaz  | 7          | 7          | 101          | 60           | 41         |
| <b>2022-2023 IKASTAROAK</b>                                | <b>76</b>  | <b>56</b>  | <b>1.277</b> | 967          | 310        |
| <b>Ikasturte osokoak (urria 2022 - maiatza 2023)</b>       |            |            |              |              |            |
| <b>Musikagela, Larrotxene Bideo, DK Irratia</b>            |            |            |              |              |            |
| Euskaraz   | 0          | 0          | 0            | 0            | 0          |
| Gaztelaniaz  | 0          | 0          | 0            | 0            | 0          |
| <b>Ikastaro orokorrak</b>                                  |            |            |              |              |            |
| Euskaraz   | 20         | 10         | 126          | 111          | 15         |
| Gaztelaniaz  | 30         | 28         | 886          | 677          | 209        |
| <b>Lehen lau hilabetekoak (urria - abendua 2022)</b>       |            |            |              |              |            |
| <b>Musikagela, Larrotxene Bideo, DK Irratia</b>            |            |            |              |              |            |
| Euskaraz   | 0          | 0          | 0            | 0            | 0          |
| Gaztelaniaz  | 0          | 0          | 0            | 0            | 0          |
| <b>Ikastaro orokorrak</b>                                  |            |            |              |              |            |
| Euskaraz   | 12         | 5          | 56           | 36           | 20         |
| Gaztelaniaz  | 14         | 13         | 209          | 143          | 66         |
| <b>IKASTARO PUNTUALAK</b>                                  | <b>0</b>   | <b>0</b>   | <b>0</b>     | 0            | 0          |
| <b>Tailer, mintegi eta masterclassak</b>                   |            |            |              |              |            |
| Euskaraz   | 0          | 0          | 0            | 0            | 0          |
| Gaztelaniaz  | 0          | 0          | 0            | 0            | 0          |
| <b>KZgunea IKASTAROAK</b>                                  | <b>73</b>  | <b>73</b>  | <b>604</b>   | 418          | 186        |
| <b>BESTE ERAKUNDEAK KZgunean</b>                           | <b>70</b>  | <b>62</b>  | <b>537</b>   | 319          | 116        |

**KULTUR ETXERA egindako bisitak**  
**Guztira 122.004**